

Prosječna plaća u RS-u pokriva svega 47,67 posto potrošačke korpe



Potrošačka korpa za četveročlanu porodicu u Republici Srpskoj (RS) u maju ove godine je koštala 1.894,39 KM i prosječna isplaćena neto plaća od 903 KM "pokrivala" ju je sa svega 47,67 posto, podaci su entitetskog Saveza za statistiku.

Napominju da je prosječna majska zarada u poređenju s aprilom ove godine bila veća za sedam KM.

I dalje najviše prosječne plaće imaju zaposleni u oblasti finansijske djelatnosti i osiguranja i to 1.385 KM i nisu se mijenjale u odnosu na april, dok su najniže u građevinarstvu, svega 623 KM.

Niske prosječne neto plaće primili su i zaposleni u ugostiteljstvu i to 636 KM, zatim radnici u djelatnosti umjetnosti, zabave i rekreacije – 642 KM, te u oblasti saobraćaja i skladištenja, 672 KM. Prosječna majska neto plaća, isplaćena u administrativnim pomoćnim uslužnim djelatnostima, iznosila je 676 KM, a u trgovini 691 KM.

– Navedene zarade pokrivala su troškove sindikalne potrošačke korpe od 32,89 do 36,48 posto – upozoravaju iz entitetskog Saveza sindikata.

Najviše novca porodice u RS-u u maju su trošile za prehranu i to 709,17 KM, za stanovanje i komunalne usluge 568,63 KM, te za tekuće održavanje domaćinstva 106,48 KM. Nabavka obuće i odjeće u maju je koštala 137,46 KM, higijena i njega zdravlja 89,77 KM, prijevoz 200,23 KM, te obrazovanje i kultura 82,65 KM.

– Iz navedenih podataka jasno je da je u RS-u potrebno što prije potpisati opći i granske kolektivne ugovore, te povećati plaće i poboljšati životnog standard svim radnicima, kako bi se smanjio trend odlaska mlade, radno sposobne, kvalifikovane radne snage – istakli su sindikalci. (Fena, tl)

60

SHARES

[Share on Facebook](#)

[Tweet](#)

[Follow us](#)

[Share](#)

[Share](#)

[Share](#)

[Share](#)

[Share](#)

Date: 25-06-2019